

BOSNA I HERCEGOVINA  
FEDERACIJA BOSNE I HERCEGOVINE  
JU "KANTONALNI CENTAR ZA SOCIJALNI RAD"  
SARAJEVO, Gatačka 80

2362

Broj:31-03/01-530-1273.3/26

Datum: 01.06.2026. godine

Bosna i Hercegovina  
Federacija Bosne i Hercegovine  
KANTON SARAJEVO

PRIMLJENO	03-06-2026	Broj prijema
01	04	24273-126

SKUPŠTINA KANTONA SARAJEVO  
n/r PREDSEDAVAJUĆEG SKUPŠTINE KANTONA SARAJEVO  
Ul. Džemaludina Čauševića br.1  
Sarajevo

**Predmet: Odgovor na Zastupničko pitanje zastupnice Danijele Kristić, dostavlja se**

Zastupnica Danijela Kristić je na 30 radnoj sjednici Skupštine Kantona Sarajevo, održanoj dana 05.05.2026.godine, u okviru tačke Dnevnog reda "Poslanička/zastupnička pitanja, inicijative i odgovori" postavila zastupničko pitanje **Da li Ministarstvo unutrašnjih poslova, centri za socijalni rad ili drugi nadležni organi nakon izricanja zaštitnih mjera, mjera zabrane prilaska ili drugih mjera u slučajevima nasilja u porodici obavještavaju poslodavca lica kojem su mjere izrečene, posebno u slučajevima kada to lice na radnom mjestu koristi službeno oružje, obavlja poslove zaštite, sigurnosti ili druge poslove od posebnog rizika? Ukoliko takva praksa nije propisana ili se ne provodi sistemski da li nadležni organi planiraju uspostaviti jasne procedure međuinstitucionalne razmjene informacija rdi zaštite žrtava, sigurnosti radnog okruženja i sprječavanja mogućih zloupotreba?**

U skladu sa odredbama Poslovnika Skupštine Kantona Sarajevo (Službene novine Kantona Sarajevo" broj:41/12-Drugi prečišćen tekst, 15/13, 47/13, 47/15, 48/16, 9/20, 14/20, 16/22, 17/22-Ispravka I 47/24) I uskladu se Vašim dopisom brojem 01-04-24273-12 od 05.05.2026.godine dostavljamo Vam

#### **Odgovor na postavljeno pitanje**

Povodom zastupničkog pitanja koje se odnosi na obavještavanje poslodavaca lica kojima su izrečene zaštitne mjere, mjere zabrane prilaska ili druge mjere u slučajevima nasilja u porodici, posebno kada se radi o licima koja u okviru radnog mjesta koriste službeno oružje ili obavljaju poslove zaštite i sigurnosti, ističemo sljedeće:

Centri za socijalni rad/općinske službe socijalne zaštite u svom postupanju djeluju u okviru nadležnosti propisanih važećim zakonima iz oblasti socijalne zaštite, porodično-pravne zaštite i zaštite od nasilja u porodici. Postupanje u predmetima nasilja podrazumijeva saradnju sa policijom, pravosudnim institucijama, zdravstvenim ustanovama i drugim subjektima zaštite, prvenstveno u cilju zaštite žrtve nasilja i provođenja izrečenih mjera zaštite.

Međutim, važećim propisima trenutno nije jasno i sistemski uređena obaveza centara za socijalni rad da po automatizmu obavještavaju poslodavce počinitelaca nasilja o izrečenim zaštitnim mjerama ili drugim ograničenjima, niti su precizno definisani uslovi, način i obim razmjene takvih informacija između institucija i poslodavaca. Posebno je potrebno voditi računa o zaštiti ličnih podataka, pravu na privatnost i zakonskim ograničenjima u vezi sa dostavljanjem informacija trećim licima.

S druge strane, u predmetima u kojima postoji procjena visokog sigurnosnog rizika, naročito kada se radi o licima koja posjeduju ili koriste službeno oružje, obavljaju poslove sigurnosti ili druge poslove

od posebnog rizika, neophodna je intenzivna međuinstitucionalna saradnja svih nadležnih organa, prije svega policijskih i pravosudnih institucija, kako bi se preduzele adekvatne mjere zaštite žrtve i prevenirale moguće zloupotrebe.

Smatramo da bi bilo korisno da nadležna ministarstva i institucije razmotre uspostavljanje jasnijih procedura međuinstitucionalne razmjene informacija u slučajevima nasilja u porodici sa procijenjenim visokim stepenom rizika, uz precizno definisane zakonske osnove, nadležnosti i zaštitne mehanizme. Takve procedure trebale bi omogućiti pravovremeno postupanje nadležnih organa u situacijama kada postoji opravdana sigurnosna prijetnja za žrtvu, radno okruženje ili širu zajednicu.

S poštovanjem,

**Dostavljeno:**

1. naslovu
2. a/a

D  
Draženka Osmarić  
[Redacted]  
[Redacted]ijalnog rada

